



Creative  
Europe  
MEDIA



Norden i skolen

## MATERIÁLA DAVVISÁMEGILLII

Dát álggahus lea ovttasbargu gaskal NoJSe:a, mii lea davviriikkalaš mánáid- ja nuoraidfilmafestiválafierpmádat, ja Norden i skolen-bálvalusa gaskka, Creative Europe doarjagiin.

Jorgalan davvisámegillii: Susanne Næss Guttorm

SALTO, PUS JA BUCKETLISTA .....	2
VÍTI Í VESTMANNAEYJUM.....	4
SUOLA.....	5
OÐÐA VIESSU .....	6
JUOLGGIT BAJÁS .....	7
RITMMAS .....	8
POLÁRIDJA.....	9
JORRALIT .....	10
GLÁSSAGÁHPPÁLAT .....	11
VÁIMMU BORRAMUŠSÁLE .....	13
EAHPEČIELGGAS .....	14
OLBMOHÁDJA.....	15
RITUÁLAT ARVEDÁVGÁI.....	16
MEAHCCI MÁNÁT .....	17
BÁVČČASRÁDJI .....	19
LÁTTU .....	20
DOVDAT NUPPI NUPPI.....	21
LUODDANEAPMI .....	22



## SALTO, PUS JA BUCKETLISTA

*Tuni lea manahan iežas stuora vielja iešsoardimis ja ferte morašproseassas seammás birget dainna ahte su eadni oažžu seallamirkodivššu. Ovttas beatnagiin Saltoin ja Pusain, Tuni smiehtá, mii su mielas lea deháleamos eallimis ja čállá bucketlistii. Filbma lea ráhkaduvvon Tuni duohta vásáhusaid vuodul ja čuovvu bearraša hástaleaddji áiggis.*

*Salto, Pus og bucketlisten*

Norgalaš guhkesfilbma

Rešissevra: Nora Niredita Tvedt

Filmma guhkodat: 71 min

### FILMMA ÁLGGUS

#### Ságastallan olles luohkáiin ovdal filmma

Filmma man galgat geahččat lea Tuni birra, gii vásiha garra diliid. Dat lea morraša birra, muhto maiddái doarjaga ja doaivaga birra. Filbma sáhtá boktit iešguđetlágan dovduid ja buot reakšuvnnat leat dohkálaččat. Digaštallamiin lea dehálaš guldalit guhtet guimmiideamet almmá gaskkalduhttima haga, eatge čaibmat guhtet guimmiideamet, ja árvvusatnit ahte mii eat dárbbas mitalit iežamet jurdagiid jus eat hálit.

- Mii lea moraš?
- Mo sáhtá moraš dovdot rupmašis?
- Geainna sáhtá ságastit jus ieš, dahje muhtin gean dovddat, dovda iežas hui váivvis?

### FILMMA GASKU

- Áigi lea sátni maid Tuni dadjá ahte ii liiko. Mainna lágiin vuhtto áigi filmmas?
- Mainna lágiin čájehit váhnemat ja vieljat morraša, ja mo sii dorjot guhtet guimmiideaset?
- Filmmas fokusere Tuni dahkat áššiid mat su ilosmahtá, ja čállá bucketlistta, mii lea listu dain áššiin maid son háliida dahkat. Makkár áššiid son čállá iežas bucketlistii?
- Tuni ii hálit mannat Håkona hávddi lusa (13:20-15.20). Mo son reagere go viimmat duostá vuolgit dohko (59.00-1.01.55)?
- Håkon liikui leavttu ja gelddolašvuoda, ii ge son ballan mastege. Mo don jáhkát Tunii dovddai go son beasai áhči mielde vuodjit Håkon-mohtorsihkkeliin?

## **FILMMA MANŃÁ**

### **Joavkkus**

- Makkár dovdduid attii filbma dutnje?
- Su beana Salto ii leat sihkar nákke go doarjut Tuni. Ja bussá Pus muitala ahte muhtumin lea buoremus dušše Leahkit ja Guldalit (1.01.55-1.05.02). Mo du mielas lea buorre doarjja skihpárii gii lea váivvis?
- Tuni čilge Saltoi iežas niehkosaji (49.33-50.41). Mo čilgešit iežat niehkosaji?

### **Individuálalaččat**

- Čále dahje sárggio iežat bucketlistta. Smiehta mii dutnje lea dehálaš eallimis. Mii du illudahttá? Leat go don niegadan dahkat juoidá dahje vásihit? Sáhtát juogadit iežat bucketlistta earáiguin jus dan háliidat.



## VÍTI Í VESTMANNAEYJUM

*Jón ja su skihpárat galget oassálastit jahkásaš nuoraid spáppačiekčamiin Vestmannaeyjaris. Vulkánaid suoivanis sii fertejit árrat šaddat rávisolmmožin, sihke spáppačiekčansiljus ja dan olggobealde. Dát lea mitalus joavkovuoigŋa birra ja dahkat dan mii lea riehta, vaikko dat sáhtta leat issoras ja gáibideaddji.*

*Víti í Vestmannaeyjum*  
Islándalaš guhkesfilbma  
Rešissevra: Bragi Thor Hinriksson  
Filmma guhkodat: 97 min

### FILMMA ÁLGGUS

- Maid dii diehtibehtet Islándda birra ovddalgihtii? Jurddašehket ovtta ja čállet távvalii buot maid fuomásehpet.
- Makkár vásáhusat ja oahput, maid dii oažžubehtet spáppačiekčama dahje eará joavkoyaláštallamiid bokte, leat din mielas buorit váldit mielde viidáseappot eallimii?

### FILMMA GASKU

- Mainna lágiin dorjot Jón ja su joavkoguoimmit nubbi nuppi?
- Mo rievda Jón oaidnu su vuostálasti Ívara ektui spáppačiekčama bokte?
- Mo giedahallet dat iešguđet spáppačiekčit preassa filmmas?
- Mo ovdána Jón persovdnan filmma čađa?

### FILMMA MANŊÁ

- Mo don dulkot dat mii čuožžu spáppas filmma loahpas, go goappašat joavkkut oažžuba ránggáštusčievčasteami?
- Mo don jáhkát valáštallan sáhtta hábmet olbmo?
- Mii lea du iežat buoremus maitu spáppačiekčamis?



## SUOLA

*Kaali fuobmá ahte su reahkabeana lea jávkan, ja dallánaga jurddaša ahte dat lea suoláduvvon. Son ja su ustit Bartilaa, ohcaba beatnaga unna ja lagas servodagas Tasiilaq-nammašaš báikkis Nuorta-Kalaallit Nunaatas. Go Kaali gávdná iežas beatnaga, de fuobmá son ahte suola ii leat dat gean álggos jáhkii.*

*Angeerdardor*

Kalaallit Nunaat oanehisfilbma

Rešissevra: Christoffer Rizvanovic

Stenbakken

Filmma guhkodat: 20 min

### Joavkkus

- Maid diehtibehtet Kalaallit Nunaat birra ovdalaččas?
- Mo jáhkát livččii lean bajásšaddat Tasiilaqs ja Nuorta-Kalaallit Nunaatas?
- Mo lea Kaalii earáláganin leat unna servodagas, gos buohkat dovdet buohkaid?
- Mo din mielas lea olbmuid ja beatnagiid gaskavuohhta Kalaallit Nunaatas?
- Makkár dovdduid čájeha filbma ahte Kaalis lea iežas beatnagii?
- Maid don jáhkát ahte dát guokte ustiba dovdaba go Kaali báhtarii Bartilaa luhtte, dan botta go soai suoládeigga beatnaga ruovttoluotta?
- Manne don jáhkát ahte áhčči lea vuovdán Kaali beatnaga?




## OĐĐA VIESSU

*Juoga vuordekeahes dagaha ahte skihpárat Astrid ja Kristin suhtadeaba. Orru hui ártet go soai riidaleaba, go soai eaba láve goassige leat guovtte oaivilis. Mo galgaba soai fas šaddat ustibin?*

*Det nye huset*  
Norgalaš oanehisfilbma  
Rešissevra: Maria Alvsaker Næss  
Filmma guhkodat: 7 min

- Mo Astrid geavaha Barbie ja Ken dasa ahte muitalit dovdduidis birra go Kristin áigu fárret?
- Mii lea sivva go Astrid ja Kristin riidaleaba?
- Makkár dovdduid don jáhkát ahte dat guokte nieidda dovda go Astrid manná ruoktot?
- Manne don oaivvildat ahte Kristin diktá Astrid doalahit Barbie, vaikko Astrid válddii dan lobi haga?



## JUOLGGIT BAJÁS

*Sofia háliidivččii fitnat geahččamin dan ođđa grafittiseainni, muhto go sárggui borramušbeavddi vahágis, de son oaččui olggosmannan gildosa. Ihkku jorggiha gravitašuvdna buot mánáin imašlaš vuogi mielde – ja fáhkkestaga ii mihkkige sáhte su bissehit.*

*Feet up*

Suopmelaš oanehisfilbma  
Rešissevra: Olli Ilpo Salonen  
Filmma guhkodat: 10 min

- Mo lea mánáid ja váhnemiid gaskavuohhta, ja váhnemiid iežaska gaskavuohhta filmmas?
- Ii oktage dálus oaččo dahkat dan maid háliidit. Manne don oaivvildat ahte bearaš gieldá nuppiid dahkamis dan maid eanemusat háliidivčče?
- Mo du mielas váhnemat gieđahallet dili? Maid soai livččiiga sáhttán dahkat eará láhkai?
- Mo dat váikkuha Sofia dillái go áššit jorggihit vulos oivviid?
- Manin Sofia gáhtá go manná láseráigge olggos? (Lea go dat olggosmannan gildosa symbola? Dovdu ahte leat giddagasas?)



## RITMMAS

*Kara ja Jenny leaba ustibat geain lea oktasaš beroštupmi dánsumii, muhto ustitvuohta geahččaluvvo go Jenny oažžu ođđa ustibiid. Sáhtášii go sudno oktasaš beroštupmi dánsumii fas čatnat sudno oktii?*

### *Í takt*

Islándalaš oanehisfilbma  
Rešissevra: Hanna Hulda Hafþórsdóttir  
Filmma guhkodat: 11 min

- Maid Kara dahká vai Jénny liiko sutnje?
- Kara lea áidna skuvllas geas leat rukses skuovat, buohkain earáin leat vilges skateskuovat. Maid don jáhkát ahte dát sáhtá symboliseret? (dovdu ahte it gula searvevuhtii, orginaliteahta jna.)
- Makkár dovddut ja jurdagat Karas ja Jénny leat maŋná go Kara dahká ahte Jénny gahččá?
- Sáhtá go ustitvuohta doaibmat dušše ovttá olbmo eavttuid mielde?
- Maid jáhkát dáhpáhuvvá go filbma lea nohkan?



## POLÁRIDJA

*Jearahallamis mii deaivat Bo ja Arne, guokte maŋimus̄ jieknaguovžža Árttisis. Bo gal duođaid háliidivččii ahte jiekná máhccá – son sirre ruskkaid ja borrá vegetára biepmu. Arne ii leat nu fuolas dilis.*

*Polarnatt*  
Ruottelaš oanehisfilbma  
Rešissevra: Gustav Littorin  
Filmma guhkodat: 4 min

- Filbma lea stop-motion filbma. Maid mearkkaša go filbma lea stop-motion hámis ja mo dat doaibmá?
- Mii lea dáhpáhuvvan buot jieknaguovžžaiguin mat elle Árttisis?
- Bo muitala mo sii borret vegetáralaš biepmu ja sirrejit ruskkaid, muhto maid Arne duođaid bargá?
- Filmma namma lea Poláridja, maid dat duođaid mearkkaša?
- Bo ja Arne leaba earáláganat muhto Bo šaddá hui morrašis go jurddaša ahte Arne lea jávkan. Manne lea dehálaš fuolahit nubbi nuppis vaikko mii leat earáláganat?



## JORRALIT

*Guokte ustiba leat vuostálagaid jahkásaš ping pong-gilvvus. Filbma ustivuoda, gilvohallama ja das mo ustibat čuvvot guhtet guimmiid eallimis.*

*Skru*

Dánskalaš oanehisfilbma  
Rešissevra: Magnus Hippe Brun  
Filmma guhkodat: 14 min

- Mii dárbbášuvvo vai šaddá duođaid buorre/čeahppi juoga dahkat?
- Maid mearkkaša du áigumušaide jus vásihat siskkáldas dahje olgguldas preassa? (Lean go mun gii háliidan dán vai lea go muhtin eará gii háliida mu ovddas?)
- Makkár dovdduid oaivvildehpet ahte Philip ja Mikkel dovda maŋŋá dán gilvvu? Philip vuoittáhallá ja Mikkel vuoitá (máhtolašvuohta/vuoittáhallan, rámis/gáđašvuohta?).
- Mearkkaša go dat maidege sudno ustivuhtii goabbá vuoitá?
- Leat go don buorre vai heajos vuoittáhalli?



## GLÁSSAGÁHPPÁLAT

*16-jahkásaš Tobias lea geasseluomus áhku ja ádjá luhte, muhto váillaha ustibiid ja eallima ruovttus. Ovtta beaivve go lea skatemin, de son deaivá boarráset albmá Aron, gii rahpá iežas dovdduid maid Tobias ii áibbas ádde. Muhto siskkáldas demonat hehtejit Tobiasa dohkkehit iežas, ja go tragediija dáhpáhuvvá, gahččá son čáhppes doaivvuhisvuoda ráigái, gos dušše bákčasat sáhttet su vajálduhttit iežas iešvaši. Geassi šaddá mátkin iešipmárdussii, go Tobias ferte konfronteret iežas dovdduid ja fuomášit gii son duođaid lea.*

*Glasskår*

Dánskalaš guhkesfilbma

Rešissevra: Søren Green

Filmma guhkodat: 87 min

### Filmma álggus joavkkuin:

- Filmma álgoscenas mii deaivat Tobiasa okto skatepárkkas. Maid dii jáhkkibehtet ahte rešissevra háliida mitalit, go son álggaha filmma dainna lágiin?
- Boahtte scenas (03.25–04.00) oaidnit Tobiasa boradeamen iežas etniin. Mo dulkobehtet sudno oktavuoda?
- Čilge Tobiasa ádjá ja mo son čájeha fuolaheami.
- Analysere Tobiasa ja Arona relašuvnna. Mo dat ovdána? Maid Aron symbolisere Tobiasii?

Klassihkalaš dramaturgalaš modealla lea okta dábáleamos vugiin analyseret filmma ja mitalusa. Modealla addá gova mo filbma ovdána ja mo gelddolašvuolta huksejuvvo. Measta buot filmmaid sáhtá analyseret modealla vuodul, go eanaš mitalusat huksejuvvojit seamma láhkai. Dat lea doaibmi ja dábálaš vuohki hukset mitalusa ja gelddolašvuoda mii dagaha ahte geahččit beroštit ja fuomášit. Muhtun oktavuodain gohčoduvvo klassihkalaš modealla Hollywood-mállen, go eanaš Hollywood-filmmat čuvvot dien málle. Modealla analysere olles mitalusa kronologalaččat álggu rájes gitta lohppii.

- Dál analyserebehtet filmma dramaturgalaš modealla vuodul joavkkuin. Vástit čuoovovaš gažaldagaide:
- Álggaheapmi – Mo filbma álgá? Maid oahppat filmma sisdoalus, šáŋŋeris, fáttás ja dáhpáhusas?
- Ovdanbuktin – Mo ovdanbuktojuvvojit deháleamos olbmot? Lea go makkárga riidu dahje mihttomearri?
- Čieknudeapmi: – Filmma riidu dahje ulbmil šaddá čielgaseabbon. Maid mii oahppat olbmuid, riiduid ja filmma fáttá birra?
- Jorggáldat: Go váldopersovdna vásiha juoga dramatihkalaš, ja juoga mearrideaddji dáhpáhuvvá, mii dáhpáhuvvá sutnje mii dagaha ahte son ferte dahkat juoidá?
- Ceahkkálastin: Filmma siskkáldas ja olgguldas riiddut eskalerejit. Šaddet go váttisvuodát? Makkár válljejumiid šaddá váldopersovdna dahkat?
- Deháleamos dáhpáhus: Gelddolašvuolta olaha deháleamos dáhpáhusa. Mo riidu mearriduvvo, ja man láhkai riidu čovdojuvvo?
- Loahppa: Mii dáhpáhuvvá go riidu lea nohkan? Mii dáhpáhuvvá váldopersovnnain?

#### **Filmma manjá joavkkuin:**

- Filmma namma lea Glasskår/Glássagáhppálat (Glasskärvor). Maid mearkkaša filmma namma sisdoalu ektui?
- Mo filbma govvida nuoraid eallindiliid otná servodagas?
- Buohstastahitet Glasskår/Glássagáhppálat eará filmmain dahje románain mas lea sullasaš fáddá.
- Mo govviduvvojit rávisolbmot filmmas, ja makkár fuolahusváillit bohtet oidnosii?
- Makkár rolla lea jaskatvuodas ja bottuin filmmas?

#### **Individuálalaš čállinbargu:**

- Vállje dovddu dahje vásáhusa maid háliidat ovdanbuktit (omd. oktovuolta, moivi, áibbašepmi, friddjavuolta).
- Jurddaš muhtun dávvira dahje báikki mii sáhtá symboliseret dán.
- Čále oanehis mitalusa (1-2 siiddu) mas dávviris dahje báikkis lea guovddáš rolla. Mitalus sáhtá leat iešbiográfalaš, fikšuvdna dahje inspirerejuvnon filmmas. Geavat govvideaddji válddahasaid, siskkáldas monologa ja birasgovvideami vai gaskkustat dovddu.



## VÁIMMU BORRAMUŠSÁLE

*Rosa bargá skuvlagievkkanis ja addá fuolahusa juohke láhkai nu bures go sáhtta. Dolkan skuvlamánát njáhkiet sisa garraláibbi borastit, ja olgguštuvvon mánát geahpidit váimmuideaset. Hybridadokumentára muhtin olbmo birra, gean ollugat atnet diehttelassan, muhto gii sáhtta leat nu dehálaš ollugiidda!*

*Hjártats matsal*

Ruottelaš oanehisfilbma

Rešissevra: Astrid Askberger

Filmma guhkodat: 7 min

- Čilge oanehaččat filmma sisdoalus.
- Man láhkai ovdanbuktojuvvo oktovuohtha filmmas?
- Maid jurddašat go guldatat lávlaga filmmas?
- Man láhkai lea erohus skuvlagievkkan bargiin filmmas din skuvlla bargiid ektui?



## EAHPEČIELGGAS

*Juohke jagi bovdejit politiijat Københámmánis nuoraid gaskal 12 ja 14 jagi vahkkosaš leirii oahpásnuvvat politiijaid bargguide. Sidjiide eai addo makkárga dieđut vahku prográmma birra ovdal go mátkkoštit dohko. Okta oasseváldiin lea Tatheer, gii biddjo áibbas ođđa máilbmái mas leat jealmmat, pistovlat ja akšuvnnat. Vahkku šaddá hástaleaddjin, muhto maiddá oahppun das ahte duostat leahkit ieš.*

*I det blå*

Dánskalaš oanehisfilbma

Rešissevra: Ömer Sami

Filmma guhkodat: 27 min

- Čilge oanehaččat filmma sisdoalus.
- Man láhkai boahtá oktovuolta ovdan filmmas?
- Mo doaibmá váldopersovdna Tatheer joavkkus?
- Manne jáhkát ahte Tatheer ballá go son gahččá čáhcái?
- Man birra negada Tatheer?
- Livččiidet go dii háliidan mielde dakkár leairras? Manne/manne ii?
- Dát lea dánska filbma. Sáhtášii go seamma bures leat filbman eará sajis Davviriikkain, vai lea go juoga mii lea erenoamáš dánskalaš dán filmmas?



## OLBMOHÁDJA

*12-jahkásaš Marita hervvoša buoremus ustibis Lara. Go veháš olgguštuvvon ránnjanieiddaš gávdná lottečivgga, de mearrida Lara dan váldit sus eret. Marita geahččá. Mii boahťá dáhpáhuvvat? Dat lea fiilbma ustivuodas, identitehtas ja das ahte bealuštit iežas.*

*Lukten av et menneske*  
Norgalaš oanehisfiilbma  
Rešissevra: Johanne Helgeland  
Fiilbma guhkodat: 8 min

- Čilge oanehaččat fiilbma sisdoalus.
- Man láhkai ovdanbuktojuvvo oktovuohťa fiilmmas?
- Mo láhtteba Marita ja Lara ránnjanieidda vuostá, ja manne?
- Makkár mearkkašupmi lea loddi fiilmmas?



## RITUÁLAT ARVEDÁVGÁI

*Rituálat arvedávgái lea muitalus njealji vuolleahkásaš mánáid birra geat ellet olggobealde servodaga suddjema bearašveahkaválddi geažil. Ariel, Rupi, Liisa ja Hemmo ellet dainna ahte báhččet roahtuid ja čogget guoros bohttaliid doapparduvnnis. Sii váillahit ovdagovaid ja autoritehtafiguvrraid dassáži go deaivvadit Wiccain gii oahpaha sin bealuštit iežaset iešguđetlágan rituálaid bokte.*

*Rituaali sateenkaarelle*  
Suopmelaš oanehisfilbma  
Rešissevra: Sami Sänpákkilä  
Filmma guhkodat: 18 min

- Čilge oanehaččat filmma sisdoalus iežat sániiguin.
- Man láhkai ovdanbuktojuvvo oktovuohhta filmmas?
- Makkár bearašduogáža jáhkát filmma persovnnain leat?
- Mii dahká dan joavkku, maid filbma persovnnat ráhkadit, erenoamážin?



## MEAHCCI MÁNÁT

*Ida ja Minka ráhkisvuolta meahccái lea dahkan sudno aktivistan. Filbma čuovvu sudno Suoma vuvddiin ja rahčamušas daid seailluheamis. Ovttas eará nuoraiguin Extinction Rebellion nammasaš searvvis lihkostuvvet sii dadistaga oažžut saji meahcceealáhusa fámoláš aktevrroid beavdái. Muhto maidái bearraša siskkobealde gávnadit sii eahpádusain ja buolvvaid erohusat bohtet oidnosii go deaivvadit boarráset lagaš olbmuiguin.*

*Havumetsän lapset*  
Suopmelaš dokumentárafilbma  
Rešissevra: Virpi Suutari  
Filmma guhkodat: 93 min

### Giella ja kulturipmárdus:

- Maid diehtibehtet Suoma birra?
- Maid meahcci mearkaša Supmii – ekonomalaččat, ekologalaččat ja kultuvrralaččat?
- Mo váikkuha luonddu girjáivuolta riikka identitehtii? Oaidnibehtet go sullasašvuodaid iežadet riikkas?
- Mo dii jáhkkibehtet lea leat nuorra olmmožin Suomas?

### Filmma álggus:

- Makkár govva addojuvvo Idas ja Minkas aktivistan? Mo čájehuvvojit sudno motivašuvnnat ja hástalusat filmmas?
- Mo váikkuha vuostálasvuolta politihkalaš daguid ja ráfálaš luonddugovaid gaskkas filmma gaskkusteamis?

**Filmma gasku:**

- Čilge Extinction Rebellion nuoraid gaskavuodaid. Mo sin gaskavuohtha lundui ja guhtet guimmiidasat lea?
- Filmmas lea Idas divaštallan ádjáin, gii lea leamaš vuovdeeaiggát olles eallima, ja olbmo váikkuheami birra lundui. Mo govviduvvojit buolvvaid erohusat birrasa ja dálkkádaga ektui, ja maid oaivvildehpet lea sivvan erohusaide oainnu ektui?
- Mo govviduvvo aktivisttaid vuostálasvuohtha? Orro go sis leat duohta vejolašvuohtha váikkuhit?

**Filmma loahpas:**

- Manin lea dehálaš seilluhit biologalaš mánggabealatvuoda?
- Manne leat muhtumat gergosat ángiruššat luonddu suodjaleapmái ja biologalaš mánggabealatvuoda seilluheapmái, earát fas eai leat?
- Digaštallet makkár boahhteáigge dilit sáhttet čuožžilit jus vuovdeindustriija ja aktivisttat eai gávnna oktasaš čovdosa.
- Buohtastahte dán filmma eará dokumentáraiguin dahje ođasáššiiguin aktivismma birra. Lea go perspektiiva earálágan ja mo?
- Oaidnit go sullasašvuodaid aktivismma ektui mii čájehuvvo filmmas ja eará riikkaid historjjálaš dahje dálá nuoraidlihkadusaid ektui?



## BÁVČČASRÁDJI

*Vilja lea 12-jahkásaš nieiddaš, gii liiko hui bures heaibut, vaikko son ballá ge hirbmosit bávččagit ja vuoittáhallá juohke heaibuma. Go su váhnemat earráneaba, rievdá buot, ja Thea, gii lea heaibunsearvi násti, čájehuvvo leat su eatni ođđa irggi nieida.*


*Smerteterskel*

Norgalaš oanehisfilbma

Rešissevra: Marianne O. Ulrichsen

Filmma guhkodat: 17 min

- Čilge oanehaččat filmma sisdoalus.
- Man láhkai ovdanbuktojuvvo oktovuohtha filmmas?
- Makkár dovdduid jáhkát Viljas leat dán dilis?
- Mo láhkai Thea láhtte Viljain, ja maid jáhkát leat dasa sivvan?
- Mo rievdá Vilja filmma vuolde?
- Mo sáhtta valáštallan váikkuhit min loaktima?



## LÁTTU

Áhčči vajálduhtá viežžat Ánná astoáiggefálaldagas. Son vajálduhtá maid ahte son galgá čorget ja gávppašit. Son maid ii buorástahte Ánná go astoáiggeoahpaheadji vuodjá su ruoktot. Dat lea dego balddonasfilbma orrut áhčiin ovttas, muhto lihkus Anna liiko sárgut. Peannain ja báhpiriin son sáhhtá rievdatit dan surgadis dili beaivvadahkan ja pizzan.

*Vandpyt*

Dánskalaš oanehisfilbma

Rešissevra: Maria-May Backhaus

Brown & Mads Theodor Bonde

Filmma guhkodat: 8 min

### Joavkkus:

- Čilgejekket oanehaččat filmma sisdoalus.
- Man láhkai bohtá oktovuolta ovdan filmmas?
- Manne ii oaččo váldopersovdna Anna oktavuoda áhčiinis?
- Maid Anna bargá vai šaddá buoret millii?
- Jurddaš muhtin háve goas dus lei heajos miella. Maid dahket buoridit dili?
- Mis leat buohkain beaivvit, goas mii dovdat iežamet heajos mielas, ja buot orru leamen lossat. Makkár neavvagiid attát soapmásii, guhtes lea lossa bottut eallimis?



## DOVDAT NUPPI NUPPI

*Juovlaeahkeda deaivida Katla bearáš oktii čalmmiid juovlabussán, mii lea boreš bussáhápmásaš islándalaš álbmotmuitalusas, mii oaguha sin geaid eai leat ožžon ođđa biktasiid juovlaskeanġan.*


*Pið kannist við*  
Islándalaš oanehisfilbma  
Rešissevra: Guðni Líndal Benediktsson  
Filmma guhkodat: 8 min

### Luokás:

- Filbma dáhpáhuvvá Islánddas. Maid dii diehtibehtet Islándda birra? Čadat jurddašanbottu ja čállet távvalii.
- Mo lei geahččat filmma islánddagillii? Áddejit go maidege maid sii dadje?

### Joavkkus:

- Manne jáhkkibehtet ahte juovlabussá háliida ahte buohkat galget ožžut biktasiid juovlaskeanġan?
- Mo lea atmosfeara filmmas? Lea go ovdamearkka dihte humoristtalaš, balddihahtti dahje ilolaš?
- Makkár filbmateknihkalaš vuogit (omd. jietna ja kámeraviŋkil) geavahuvvojit ráhkadit gelddolašvuoda?
- Mii lea din mielas lihkolaš loahppa filmmas? Lea go loahppa dáppe lihkolaš?
- Jus dii ávvudehpet juovllaid, oaidnibehtet go ovttaláganvuodaid din ávvudeamis ja filmma juovlaávvudeami gaskkas?



## LUODDANEAPMI

8-jahkásačča Nâmi stuorâmus sávaldat lea oažžut Gamagutchi juovlaskeanġan ja dát lea aiddo ollašuvvan. Dát juovllat leat áibbas perfeakta – earret go dat ahte áhčči lea komas, su eadni gii savkkástallá telefovnnas ja ruotnasat mális geat áššáskuhttet su goddimin sin. Nâmi njoammudii nuorvu su áhččái ja son buohccái garrasit. Nâmi áigu iežas oamedovddu dihte bákkuin doallat Gamagutchi heakkas.

Revan

Ruottelaš oanehisfilbma

Rešissevra: Ditte Lindroth  
& Anna Furenmo

Filmma guhkodat: 12 min

### Luohkás:

- Filbma dáhpáhuvá Ruoŧas. Maid diehtibehtet Ruoŧa birra? Čádaheppet jurddašanbottu ja čállet távvalii.
- Mo lei geahččat filmma ruoŧagillii? Lei go álki vai váttis áddet sin?

### Joavkkus:

- Čilgejehket oanehaččat filmma sisdoalus.
- Man láhkai bohtá oktovuohtha ovdan filmmas?
- Čilgejehket makkár miellaguottut leat Nâmi bearrašis.
- Manne don jáhkát ahte ruotnasat Nâmi mális hállet sutnje?
- Makkár dovdduid buktá filbma dutnje?
- Maid Nâmi dahká vai ilosmuvvá?
- Manne šaddá Gamagutchi nu dehálažžan Nâmii?
- Maid hálliidat eanemusat juovllaide?